



**PLAN BORBE PROTIV KORUPCIJE CENTRA ZA
INFORMIRANJE I PRIZNAVANJE DOKUMENATA IZ
OBLASTI VISOKOG OBRAZOVANJA
2026. -2028. godina**

Mostar, februar 2026. godine

Na osnovu člana 61. stav (2) Zakona o upravi ("Službeni glasnik BiH, br: 32/02, 102/09 i 72/17), a u skladu sa Strategijom za borbu protiv korupcije 2024.-2028., Akcionim planom za peovođenje Strategije borbe protiv korupcije 2024.-2028. i Smjernicama i preporukama za izradu planova borbe protiv korupcije u institucijama BiH, direktor Centra za informiranje i priznavanje dokumenata iz oblasti visokog obrazovanja, po pribavljenom mišljenju Agencije za prevenciju korupcije i koordinaciju borbe protiv korupcije, akt broj 06-07-4-36-2/26 (GV) od 29.1. 2026. godine, d o n o s i:

**PLAN BORBE PROTIV KORUPCIJE KORUPCIJE
CENTRA ZA INFORMIRANJE I PRIZNAVANJE DOKUMENATA IZ OBLASTI
VISOKOG OBRAZOVANJA
2026. -2028. godina**

I. TEKSTUALNI DIO

Uvod

Korupcija kao globalni fenomen proizvodi veliki broj negativnih efekata koji direktno narušavaju vladavinu prava, stabilnost i integritet demokratskih institucija, te usporavaju ekonomski i ukupan društveni razvoj, a što na koncu može rezultirati izostankom povjerenja građana u sistem vlasti i ostvarivanje njegove uloge zasnovane na zakonu.

Jedinstvena pravna definicija termina „korupcija“ ne postoji. Jedno od pojmovnih određenja dato je u Poglavlju III Konvencije Ujedinjenih nacija protiv korupcije koje u širem smislu definiše ovaj fenomen kao "zloupotrebu javnih ili privatnih ovlaštenja za posrednu ili neposrednu ličnu korist.“ Pojam korupcije definisan je u članu 2. Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, br. 103/09 i 58/13), na sljedeći način: „Korupcija je svaka zloupotreba moći povjerene javnom službeniku ili licu na političkom položaju, državnom, entitetskom, kantonalnom nivou, nivou Brčko Distrikta Bosne i Hercegovine, gradskom ili opštinskom nivou, koja može dovesti do privatne koristi. Korupcija posebno može uključivati direktno ili indirektno zahtijevanje, nuđenje, davanje ili prihvaćanje mita ili neke druge nedopuštene prednosti ili njenu mogućnost, kojima se narušava odgovarajuće obavljanje bilo kakve dužnosti ili ponašanja očekivanih od primaoca mita.“

Suzbijanje korupcije, kao izrazito negativne društvene pojave, zahtijeva provođenje kontinuiranih i dobro osmišljenih strategija i mjera na svim nivoima vlasti. Vijeće ministara Bosne i Hercegovine na 52. sjednici održanoj 18.6.2024. godine donijelo je Odluku o usvajanju Strategije borbe protiv korupcije 2024.-2028. i Akcionog plana za provođenje Strategije borbe protiv korupcije 2024.-2028. („Službeni glasnik BiH“ br. 50/24). Agencija za prevenciju korupcije i koordinaciju borbe protiv korupcije je izradila i institucijama Bosne i Hercegovine dostavila Smjernice i preporuke za izradu planova borbe protiv korupcije u institucijama Bosne i Hercegovine. Donošenjem naedenih dokumenata ponovo je uspostavljen adekvatan strateški okvir za donošenje pojedinačnih planova borbe protiv korupcije u institucijama BiH.

**Centar za informiranje i priznavanje dokumenata iz oblasti visokog obrazovanja-
zakonodavni okvir i nadležnosti**

U skladu sa Okvirnim zakonom o visokom obrazovanju u Bosni i Hercegovini („Službeni glasnik BiH“ broj 59/07 i 59/09) Centar za informiranje i priznavanje dokumenata iz oblasti visokog obrazovanja (u daljem tekstu:CIP) nadležan je za:

- informiranje i priznavanje u oblasti visokog obrazovanja;
- koordiniranje i međunarodnu razmjenu akademskog osoblja, studenata i programa u oblasti visokog obrazovanja;

- predstavljanje Bosne i Hercegovine u međunarodnim projektima u oblasti visokog obrazovanja iz svoje nadležnosti;
- posredstvom međunarodne mreže centara za informiranje (mreže ENIC/NARIC) pruža informacije visokoškolskim ustanovama u Bosni i Hercegovini u vezi sa stranim visokoškolskim ustanovama i programima, kao osnovu za priznavanje stepena i diploma za dalje školovanje na visokoškolskim ustanovama u Bosni i Hercegovini i predstavlja Bosnu i Hercegovinu u tim mrežama;
- daje obavijesti i mišljenja o stranim stepenima i diplomama u Bosni i Hercegovini u svrhu nastavka školovanja na visokoškolskim ustanovama u Bosni i Hercegovini;
- daje savjete i informacije o pitanjima iz svojeg djelokruga stranama sa zakonitim interesom;
- u skladu sa Lisabonskom konvencijom i njenim pratećim dokumentima, donosi preporuke ministarstvu Republike Srpske, županijskim/kantonalnim ministarstvima i Brčko Distriktu BiH o priznavanju diploma stečenih van Bosne i Hercegovine radi zaposlenja, nastavka obrazovanja i ostvarivanja drugih prava koja proističu iz stečene kvalifikacije.

Pored navedenog, CIP je Odlukom Vijeća ministara BiH („Službeni glasnik BiH“, broj 30/17) određen kao kontakt tačka za primjenu Mape puta za implementaciju EU Direktive o regulisanim profesijama 2005/36/EZ i 2013/55/EU.

CIP je predstavnik Bosne i Hercegovine u međunarodnim mrežama iz oblasti priznavanja, kao što su Evropska mreža nacionalnih informacionih centara (ENIC) i Nacionalni informativni centri za akademsko priznavanje (NARIC), odnosno ENIC/NARIC mreže. CIP je aktivno uključen u rad ENIC liste (ENIC listserv) preko koje se svakodnevno sa drugim informacijskim centrima razmjenjuju iskustva i informacije.

Organizaciona struktura CIP-a

CIP je organizovan kao samostalna upravna organizacija. CIP-om, prema Okvirnom zakonu o visokom obrazovanju u Bosni i Hercegovini i Statutu CIP-a („Službeni glasnik BiH“ broj 69/18), rukovodi direktor, a upravlja Upravni odbor.

Unutrašnja organizacija i način rukovođenja uređeni su Pravilnikom o unutrašnjoj organizaciji, akt broj 04-02-1-523-46/14 od 10.12.2018. godine.

Pravilnikom o unutrašnjoj organizaciji uspostavljene su dvije osnovne organizacijske jedinice, Sektor za informiranje, saradnju i priznavanje dokumenata u okviru kojeg su organizovani Odsjek za informiranje i saradnju i Odsjek za priznavanje, te Sektor za pravne, finansijske, opšte i poslove upravljanja ljudskim potencijalima, u okviru kojeg su organizovani Odsjek za pravne, opšte i poslove upravljanja ljudskim potencijalima i Odsjek za finansijske i materijalne poslove. Poslove iz djelokruga rada CIP-a obavljaju i samostalni izvršioци, i to: pomoćnik direktora za poslove upravljanja i strateškog planiranja i referent specijalist za administrativno-tehničke poslove.

Odgovornost i uloga CIP-a u sistemu borbe protiv korupcije

CIP je kao institucija Bosne i Hercegovine u sistemu prevencije korupcije i borbe protiv korupcije opredijeljen za dosljedno provođenje strateških dokumenata, zakona i podzakonskih propisa koje je donijela Bosna i Hercegovina i njene institucije. CIP u kontinuitetu donosi i provodi planove borbe protiv korupcije, te prati njihovu implementaciju. CIP je donio potrebne dokumente u oblasti internog i eksternog prijavljivanja korupcije. Također, donesen je poseban Etički kodeks za zaposlene u CIP-u, kojima su uređena i pitanja sukoba interesa. CIP je uspostavio efikasan i funkcionalan sistem finansijskog upravljanja i kontrole koji značajno doprinosi pravilnosti odvijanja poslovnih procesa. Uspostavljen je sistem proaktivne transparentnosti, te se na web stranici www.cip.gov.ba objavljuju informacije od javnog značaja iz djelokruga rada CIP-a. U okviru implemetacije planova borbe protiv korupcije CIP je provodio specifične aktivnosti na promovisanju obaveza nadležnim organima za priznavanje inostranih visokoškolskih kvalifikacija da posredstvom CIP-a vrše provjeru vjerodostojnosti visokoškolskih kvalifikacija, te u slučaju otkrivanja nevjeredostojnostojnih visokoškolskih kvalifikacija dostavljao informacije nadležnim organima (MUP/tužilaštvo).

Polazeći od opšteg cilja, vizije i misije Strategije za borbu protiv korupcije BiH 2024-2028., a imajući u vidu nadležnosti i djelokrug rada CIP-a, vizija CIP-a je: Unaprijeđen institucionalni i normativni okvir za borbu protiv korupcije, te uspostavljen održiv mehanizam za prevenciju i borbu protiv korupcije, što rezultira većim stepenom vladavine prava, suzbijanjem negativnih posljedica korupcije i na taj način doprinosi povećanju povjerenja građana u institucije vlasti.

CIP ostaje opredijeljen za borbu protiv nepravilnosti i korupcije te donošenjem ovog plana aktivno učestvuje u realizaciji pojedinih strteških ciljeva/programa, u skladu sa svojim nadležnostima.

Zakonodavni okvir

Zakoni koji regulišu rad CIP-a, kao i zakoni koji neposredno ili posredno regulišu oblast borbe protiv korupcije:

- Okvirni zakon o visokom obrazovanju u Bosni i Hercegovini ("Službeni glasnik Bosne i Hercegovine", broj: 59/07 i 59/09);
- Zakon o upravi ("Službeni glasnik BiH", br. 32/02, 102/09 i 72/17);
- Zakon o ministarstvima i drugim organima uprave u BiH ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17);
- Zakon o radu u institucijama BiH ("Službeni glasnik BiH", br. 26/04, 7/05, 48/05, 60/10, 32/13, 93/17, 59/22 i 88/23);
- Zakon o državnoj službi u institucijama BiH ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10, 40/12, 93/17 i 18/24);
- Zakon o Agenciji za prevenciju korupcije i koordinaciju borbe protiv korupcije ("Službeni glasnik BiH" br.: 103/09 i 58/13);
- Zakon o zaštiti lica koja prijavljuju korupciju u institucijama BiH ("Službeni glasnik BiH" br.: 100/13);
- Zakon o sprečavanju sukoba interesa u institucijama na nivou BiH ("Službeni glasnik BiH" br.: 18/24);
- Krivični zakon BiH ("Službeni glasnik BiH", br.: 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 47/14, 22/15, 40/15, 35/18, 46/21, 31/23 i 47/23);
- Zakon o krivičnom postupku BiH ("Službeni glasnik BiH", br.: 03/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07, 15/08, 58/08, 12/09, 16/09, 93/09, 72/13 i 65/18);
- Zakon o slobodi pristupa informacijama na nivou institucija BiH ("Službeni glasnik BiH", br.: 61/23);

- Izborni zakon BiH ("Službeni glasnik BiH", br.: 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 07/14, 31/16, 41/20, 38/22, 51/22, 67/22 i 24/24);
- Zakon o finansiranju političkih stranaka ("Službeni glasnik BiH", br.: 95/12 i 41/16);
- Zakon o javnim nabavkama ("Službeni glasnik BiH", br.: 39/14, 59/22 i 50/24);
- Zakon o sprečavanju pranja novca i finansiranja terorističkih aktivnosti ("Službeni glasnik BiH", br.: 13/24);
- Zakon o Sudu BiH ("Službeni glasnik BiH", br.: 49/09-prečišćeni tekst, 74/09 i 97/09);
- Zakon o Visokom sudskom i tužilačkom vijeću BiH ("Službeni glasnik BiH" br.: 25/04, 93/05, 48/07, 15/08, 63/23, 9/24 i 50/24).

Kada je u pitanju osnovna djelatnost CIP-a, u skladu sa ustavnim uređenjem Bosne i Hercegovine, priznavanje inostranih visokoškolskih kvalifikacija regulisano je propisima Republike Srpske, kantonalnim/ županijskim propisima, propisima Brčko Distrikta Bosne i Hercegovine, te propisima visokoškolskih ustanova.

Međunarodni dokumenti u oblasti borbe protiv korupcije

Najznačajni međunarodni dokumenti u oblasti protiv korupcije, koje je Bosna i Hercegovina potpisala i ratificirala su:

- Konvencija Ujedinjenih naroda za borbu protiv korupcije ("Službeni glasnik BiH-Međunarodni ugovor", broj: 05/06);
- UN Konvencija protiv transnacionalnog organizovanog kriminala (Službeni glasnik BiH-Međunarodni ugovor, broj: 03/02);
- Krivično pravna konvencija Vijeća Evrope o korupciji (CETS no. 173);
- Građansko -pravna konvencija Vijeća Evrope o korupciji (CETS NO. 174);
- Konvencija Vijeća Evrope o pranju, traganju, privremenom oduzimanju i oduzimanju imovine stečene krivičnim djelom i finansiranje terorizma (CETS NO, 198).

Praćenje sprovođenja Plana borbe protiv korupcije

Praćenje provođenja plana podrazumijeva kontinuirani monitoring njegove implementacije, s ciljem prikupljanja podataka o napretku, te po potrebi preduzimanja korektivnih mjera na uspješnijoj implementaciji planskih aktivnosti.

Praćenje podrazumijeva i proces internog izvještavanja, te eksternog izvještavanja po zahtjevu Agencije za prevenciju korupcije i koordinaciju borbe protiv korupcije. Za praćenje implementacije Plana borbe protiv korupcije zadužena je imenovana kontakt- osoba, odnosno zamjenska kontakt-osoba.

II. TABELARNI PREGLED AKTIVNOSTI PLANA BORBE PROTIV KORUPCIJE (PBK)

R.b.	AKTIVNOST	INDIKATOR REALIZACIJE	NOSILAC REALIZACIJE	VREMENSKI OKVIR	RESURSI
STRATEŠKI CILJ 1: OJAČATI SISTEM PREVENCIJE I KOORDINACIJSKIH MEHANIZAMA					
STRATEŠKI PROGRAM 1.2. EFIKASNO UPRAVLJANJE SUKOBOM INTERESA					
1.	1.2.2. Uspostaviti saradnju svih nadležnih tijela u cilju uspostave efikasnog mehanizma kontrole imovinskih/finansijskih obrazaca	-Uspostavljena saradnja - Omogućena provjera tačnosti podataka navedenih u imovinskim/finansijskim obrascima na zahtjev nadležnih institucija	Sektor za pravne, finansijske, opšte i poslove ULJP Pomoćnik direktora za poslove upravljanja i strateškog planiranja	Kontinuirano	Redovna budžetska sredstva
2.	1.2.6. Primijeniti metodologiju/smjernice za upravljanje sukobom interesa državnih službenika nakon što APIK/ADS BiH izrade iste	Primijenjena metodologija/smjernice za upravljanje sukobom interesa državnih službenika u CIP-u	Odsjek za pravne, opšte i poslove ULJP	2028.godina	Redovna budžetska sredstva
STRATEŠKI PROGRAM 1.4. ODGOVORNO UPRAVLJANJE JAVNIM FINANSIJAMA					
3.	1.4.1. Sprovoditi finansijsko upravljanje i kontrolu (FUK) na sistemski način	Sistem FUK-a se redovno ažurira i unapređuje, donose se akcioni planovi za razvoj FUK-a, izvještaji se dostavljaju redovno CHJ MFT BiH	Radna grupa za FUK Sve organizacijske jedinice Direktor	Kontinuirano	Redovna budžetska sredstva
4.	1.4.2. Identifikovati i procijeniti stepen rizika od korupcije u ključnim poslovnim procesima koji su najviše podložni korupciji kroz procese javnih nabavki i zapošljavanja	- Identifikovan i procijenjen stepen rizika poslovnih procesa kod javnih nabavki i zapošljavanja u skladu sa smjernicama i preporukama CHJ MFT BiH -Sprovedena analiza uzroka rizika od korupcije u poslovnim procesima u skladu sa smjernicama i preporukama CHJ MFT BiH -Sprovedene mjere kojima se utiče na smanjenje rizika od korupcije	Odsjek za materijalne i finansijske poslove Odsjek za pravne, opšte i poslove ULJP	Kontinuirano	Redovna budžetska sredstva

5.	1.4.3. Razvijati svijest rukovodilaca CIP-a o odgovornosti i ulozi rukovodilaca u procesu donošenja poslovnih odluka kojima se osigurava zakonito trošenje raspoloživih sredstava za realizaciju ciljeva institucije	<ul style="list-style-type: none"> - Broj edukacija za rukovodna radna mjesta o razumijevanju i odgovornosti za pravilno i zakonito poslovanje institucije - Smanjen broj izdatih preporuka u revizorskim izvještajima 	Odsjek za pravne, opšte i poslove ULJP Direktor, pomoćnici direktora, šefovi odsjeka	Kontinuirano	Redovna budžetska sredstva
STRATEŠKI PROGRAM 3.1. KOORDINACIJA I SARADNJA INSTITUCIONALNIH KAPACITETA ZA SPRJEČAVANJE KORUPCIJE					
6.	3.1.3. Usvojiti plan borbe protiv korupcije u skladu sa Strategijom i Akcionim planom	Usvojen plan borbe protiv korupcije CIP-a Dostavljeni izvještaji APIK-u	Imenovana kontakt tačka /zamjenska kontakt tačka u saradnji sa svim organizacionim jedinicama	Kontinuirano	Redovna budžetska sredstva
7.	3.1.4. Usvojiti plan integriteta u skladu sa Strategijom i Akcionim planom	Uvojen Plan integriteta CIP-a Dostavljeni izvještaji APIK-u	Imenovana radna grupa u saradnji sa svim organizacionim jedinicama	Kontinuirano	Redovna budžetska sredstva
Specifične aktivnosti PBK koje se odnose na CIP					
8.	Promoviranje obaveza nadležnim organima za priznavanje inostranih visokoškolskih kvalifikacija da posredstvom CIP-a vrše provjeru vjerodostojnosti visokoškolskih kvalifikacija	Broj organa za priznavanje koji putem CIP-a vrše provjeru vjerodostojnosti	Sektor za informiranje, saradnju i priznavanje dokumenata	Kontinuirano	Redovna budžetska sredstva
9.	Dostavljanje informacija nadležnim organima (MUP/tužilaštvo) u slučaju otkrivanja nevjeredostojnostnih visokoškolskih kvalifikacija	Broj informacija koje su dostavljene nadležnim organima o nevjeredostojnim visokoškolskim kvalifikacijama	Sektor za informiranje, saradnju i priznavanje dokumenata	Kontinuirano	Redovna budžetska sredstva

Broj: 04-07-1-50-2/2026
Mostar, 10.2.2026. godine

